

10 APR 1996

SULTAN DAN PM HADIRI MALAM DARUL AMAN (Bergambar)

KUALA LUMPUR, 10 April (Bernama) -- Sultan dan Sultanah Kedah berangkat menghadiri "Malam Darul Aman 1996" anjuran Persatuan Bekas Penuntut Kolej Sultan Abdul Hamid (Sahoca).

Perdana Menteri Datuk Seri Dr Mahathir Mohamad, yang juga presiden Sahoca, berkata majlis itu memberi peluang kepada anggota-anggota persatuan untuk mempereratkan perhubungan.

Ia juga bertujuan mengutip derma bagi membantu pelajar miskin yang cemerlang dalam pelajaran, katanya dalam ucapan ringkas pada majlis yang dihadiri kira-kira 600 orang di sebuah hotel terkemuka di sini malam ini.

Yang di-Pertua Negeri Melaka Tun Syed Ahmad Shahabuddin, yang juga bekas penuntut kolej itu, turut hadir.

Para pegawai kanan kerajaan serta tokoh-tokoh korporat yang menganggotai persatuan itu turut hadir. -- BERNAMA

AZZ AKD